

52 17
e
S O L

SEV PANEGYRICA ALLVSIO
DIVO BENEDICTO
DICTA

AD. Hieronymo Bendando Mon. Casinen.
In Comitijs Generalibus Parmæ
celebratis.



Bononiæ Typis Io. Baptistæ Ferronij 1640. Super. permisso.

102

287 TAMMERYBICA W11394

DIVO BENEDICTO

A 12 Y O

[illegible]

Digitized by Google

כחצונו

1890-1891

EMINENTISSIM³ O.

Et Reuerendiss. Principi

FRANCISCO

CARDINALI BARBERINO

*S.R.E. Vicecancellar. ac Congreg. Casinensis
Protectori.*

HIERONYMVS BENDANDVS MON. CAS. F.



DVERTEBAM nuper selectæ Iuuentutis numerum, (maio-rem fortasse, quàm præsentis æui ferat calamitas) in studij gratia ab omni plaga terrarum aduentasse Bononiam. Cumq; experirer (Princeps Eminentissime) aut deligentium sibi doctores industriam, aut multijugæ eruditionis copiam sibi comparantium solertiam, sæpius gratulabundus hæc mecum dixi. O inuidendam sæculis alijs ætatis nostræ fortunam! Vivunt etiam num Democriti, habemus nunc quoq; Pythagoras, quibus in scientiarum lucrum peragrantibus, vitæ sit perexigua ratio, laborum vero tolerandorum


rum penitus nulla. His iacturæ voluptatum sunt
quæstus, sunt gratissima quies labores, modo sit
pro virtute laborandum; Nihilq; Bononiæ, vbi
multa sunt bona, concupiunt, præter laboris op-
portunitatem. Hæc, inquam, me attentius ad-
uertente, suspicio, quam semper habui, in labo-
re gustari multum solatij, in firmissimam hæc opi-
nionem euasit; vel, scilicet, nihil felicitatis esse
mortalibus, vel illam in solo labore quærendam.
Declamaui propterea in huius anni studiorum
initio pro laboris felicitate, eoque libētius, quod
cōtra otiosos contentionem haberem, qui, quam
inire conflictum, maluit iacere coniecti. Quis in-
paueret hostes, quos videret manibus sedere por-
rectis? Animabat ultra me isthæc molientem,
operosæ luuenturis virtus assistens, meis etiam, si
fuisset opus, sustentura defectibus. Hæc, vt pro
labore contenderem fuit ratio. At, cur tuo nun-
cuparem nomini hanc causam, aliud fuit consi-
lium. Præuidebam meæ parti argumentum deesse
vnum, quo viriliter aduersantes conuincerem,
nisi Heroem inducerem, qui laboris partes fauor-
abili attestatōe fulciret. Tu ideo (Cardinalis
Amplissimè) hîc appellaris, qui sicut virorū quo-
rumuis es operosissimus, ita piæ quouis alio defen-
sioni laboris auctoritatem adiunges, & fidem.
Quem non pudebit, aut otium cōferre, aut impro-
bare

3
bare laborem, si ad te conuertat animum, qui cæ-
teris quibuscumque bonis videris præferre negotium.
Cum omnibus sis cumulatis fortunis, quæ possunt
mortali concedi, nulli inhæres intentius, quàm
inquieta labori; reliquis nec quidem vteris, nego-
tio verò incessanter instas, perinde ac illo perfrua-
ris, illo solo feliciteris. Et sanè totius orbis regi-
mento præfectus, succumberes oneri tanto non
surrecturus, nisi laboris pondus eleuaret oppres-
sum; nisi defessum, lætitia, ac voluptate reficeret
medicus labor. Hactenus te dixissem sæpè feli-
cem, nisi me putassem vulgaribus excitaturum
inuidiam. Dixi te operosissimum, ut generosi Spi-
ritus noscerent, quid debeant concupiscere. Mihi
tuæ nunc succurrunt APES. Quàm bellè illis es si-
milis, nisi illæ sint tibi similes! Siuè te illæ imiten-
tur, siuè tu illas, nihil est industriæ, dexteritatis,
laborisq; aptius exemplar: Nihil probabit melius
laborum dulcedinem, quàm labores Apum. Ne-
get, qui potest, labores Apum esse dulcissimos.
Neget, si potest, laboris felicitatem, qui te sciat
pro toto laborantem orbe, laborem habere pro
delicijs. Quàm tutò meis hisce laboribus consu-
lui, quos tuarum Apum condiui laboribus! Sen-
sum illæ præbebūt legenti suauitatis: Tu LABO-
RVM FELICITATEM autoritate firmabis.
Vive diu sub hoc onere, vale diu sub hoc labore.

Ad

AD EVNDEM

Eminentissimum Principem



FRANCISCVS CARDINALIS BARBERINVS
VICECANCELLARIVS

Anagramma

VRBI VACANS FELICI LABORE SVCCVRRIS:
CARDINIS ANNALES.

DEbita iurè tibi, Princeps, monumenta laborum;
Iurè adis Alcidem te labor ipse suum

Nempe VACANS VRBI Urbano SVCCVRRIS
Atlanti,

FELICI felix fitq; LABORE labor.

Sæcla laborati ò quoties ventura recurrent

CARDINIS ANNALES erudienda tui!

Petillust. & Adm. R. D. DOMINICI VALERIANI Rauen.

Eiusdem

7
 aorum frequenter tentata fiducia, dum in nocturno silentio, cum ceteris rebus reticeret quoque prædicationis eloquium. Nox quæ vigilantibus solet esse molesta, molestior reddebatur ob metum; terrificæ namque Tyrannorum larvæ, horrendiq; licitorum assultus, trepidantes vel detrudebant ad specus, vel Idolorum cultui curuabant utri triumphata mancipia. Omnino suo deflorata nitore squallebat Ecclesia, perinde ac Catholicorum sol extremum suæ lucis diē obijisset, aut inter errorū hæresumq; caligines delitisset illumis. Sed ecce suspirati SOLIS INSVETVS ORTVS (Dixisses) sicut post diurnam Coeli procellam, productamque plus nimio noctem SOL, quam alias opportunior exoritur, ita deplorato sæculo. NVNQVAM OPPORTVNIVS ^{poterat} concedi luminare præsidium.

Fuit Nursia nostri SOLIS felix Orizon; cuius natalitius splendor exitit adeo clarus, ut illi laudem non secus, ac soli lumen erogare superfluat. Narrasse sufficiat ex illa familia traduxisse cunabula, à qua similiter se prognatos Imperatores multi, suæ domus primarias inter glorias enumerant. Itaque imperium ipsum nihil illi esset ultra splendoris allaturum. Vbi verò primùm huius SOLIS crepuscula ridere cæperunt manè pueritiæ; quale tùm auspiciatum specimen incuntis diei? Sequebatur aurora virtutum omnium illuminata splendoribus; & quidem fides purissimo rutilabat albore, pellucidis ardebat facibus charitas, & immaturæ innocentie infantes adhuc radij fulgurabant. Quo excreset hæc pueritia? qualisque illius invirilitate meridianus feruor, si tale ENASCENTIS SOLIS MATVTINVM illuxit: spectabiliores in ætate tantilla, quæ voluptatibus propensior indulget, quàm in senectute virtutes: sic etiam Sol est in oriente pulchrior, quàm dum vergit accubiturus in vespas.

Vix

Vix autem in ephebum euaserat, cum Romam, ut iuuenilis ætas liberalibus studijs informatetur, adiuit. Reor ad Urbem properasse, ut illò lætissimum diem sui ipsius Lucifer ipse deportaret, ac Orbis toti futuræ serenitatis contestaretur auspicium. Ibidem immorans, quantum per illam licuit ætatem, inter cætera hoc etiam didicit, multos per studiorum callem obliquo progressu vitiorum ductos in lapsum, & in scientiarum quæstu probitatis pauperiem contraxisse. Ille tamen inter scurrile iuuenum sodalitiū, nullo internarum sordium dehonestamento maculabatur. Me miremini (Auditores) similiter SOL super calcato ceno nulla conspurcatis alluue, sed impollutis radijs expatiatur. In grammatico studio per declinationes vitiorum eruditus est; quo tramite ad veræ sapientiæ fastigium deueniretur. Post habitis propterea scientijs, vel illis, quæ errorum obscuritati miscentur, vel quas fuscata morum turpat obscuritas, vel quæ tumidi fastus inumbrantur fuligine, ad illam suspirauit doctrinā, quam omnibus depurata nubeculis docemur solū à Patre luminum inspiratam. Romanam ergo frequentiam sublucensi solitudine commutauit, & à Gymnasio properus festinauit ad antrum. Vesper tūc Rómuleam plagam inopacauit, à cuius emisphærio tam fulgidum iubar abscefferat.

Sed quò te vertes Benedicte? ad Eremum? Prærupta igitur sine cliuo saxa petes, humano forsan nondum impressa vestigio? Cauearum ergo spelæa, solitarios cautes, in hospitas specus ciuilis hospes habitabis? Nec frequentiori commercio assuetum animum absterrebunt cryptarum illa sepulchra, vel ipsis perhorrenda feris? In hoc etiam SOLIS æmulator appares; ut enim enascereris illu-
rior voluisti quasi occidendo peragrarè sub terram. Ad-
mitte

mitte saltem me ad vsque desertum tibi comitem, relatum indè sacri specus concessos honores.

Ad Sublaci tandem latebrosa montis deuenit, quæ, vt tanti syderis fuerunt accessu dignata, cum æthereis campis de claritate iure contenderunt. Quæ pietatis exercitia cogitatis ibidem triennali spacio peracta? continuata dicebatur oratio, sola ad seueriores cruciatus diuersione discreta. Habeat licet coronam gloriæ martyrium, & inter cruentas manus in fata cedere sit ad monumentum laudis; breuiusculo tamen vnus horæ tempusculo agone absoluitur, quia tarditatis impatiens Tyrannorum immanitas intempestum extorquet debitum mortalitatis. At in ærumnali vita diutinum sibi supplicium viuere, est longè maius dignitate martyrij. O quoties imaginor Panigyristæ nostri intra conuallium sinus Dei decantatas laudes in Cœlorum concavis Echo formasse: atque ad illos telluris hiatus Angelorum traxisse choros: ibique cælestes cætus modulis immistos humanis? Quoties turmatim aduenisse Seraphim, vt nouum forsan genus amoris ediscerent? Vt diuini amoris incendio conflagrantis hominis mirarentur ardores? Qualis verò tum Principis tenebrarum inuidus furor, qui per sentiscebat, suum Regnum desolaturn iri ad mox futurum nostri SOLIS ORIENTEM? Arte fallendi peritissimus hostis technas omnes, insidias omnes moliebatur, omnia ad dolos, ad fraudes cuncta construebat, vt lucidioris ætatis prodromum hunc quomodocunq; obnubilaret. Proinde illorum criminum labe excogitabat, quæ præ cæteris solent in obscurare peccantes: ad impuræ, inquam, carnis scelera stygius leno confingebat allicia. Non tam enim nubila Cœlum, nec tam caligo Solem, quàm libido mentem obumbrat. Adfuit demum per illa solitudinis amica silentia peragranti

incolæ vaferrimus hostis, & fæmineæ supra stuporem efformato venustatis idolo, intemeratum animum pellicator exagitaui. Indixit crudelius bellum obiecta mulieris forma quondam ab illo quidem inspecta, despecta tamen, quæ ac si suum esset vindicatura contemptum, poscebat propriæ speciei idololatram, quem antea eiusdem ægrè viderat contemptorem. Athleta noster de hostibus triumphare solitus, ab vehementi cogitationis impulsu concussus est. Oculi illius ferarum solum gnari conspectuum recreabantur insolentis formositas mentali præsentia, & incipiebat appeti consors peregrina, quasi ad solitarij profutura solatium. Quantum heu! heu quantum robur sexus infirmioris! valet, quem fortiori Marte hostes non potuerunt, amica puella debitori Venere expugnare. Collidebat Benedicti mentem infanda voluptatis cum castitate conflictus, hinc sanior Diuinorum charitas, inde vesana eluctatura cupiditas adstabat utrinque feruidè pugnata dimicatio. Inter ancipitem monomachiam mens agitata, modo illecebrosus exaudiebat instantias, interdum inuidio moderata consilio pendentem corripiebat assensum. Procax tamen spectaculû impetuius se se in prospectum insinuauit, & petulanti lenocinio ferè dementatum seduxerat. Mundus tunc profugum, ac desertorem suum reuocabat instanter, sequè mox recepturum fidebat, vt ciuem, quem nuper conclamauit extorrem. Et qui dudû ab vibanis orijs ad siluestres ærumnas promptus accesserat, è postliminio ad mollicies Urbis redux meditabatur aduentum. Nostis vt fumidæ libidinis flammæ possint puritatis caligare candorem? Et celestem amorem fornicariæ redæ impudicis halitibus contemnerare? Ea nimirum sorte, quæ SOL postquam adoleuerit excitatis suo calore vaporibus solet offundi, qui ab

cois tractibus clarissimus viscebatur. Erat iam iam agoni
cessurus, & blandientis illusionis venturus in deditionem;
dum quí pro agonotheta resederat Deus luctatori suo au-
xilium succurrit; Illo auxilio, quod frequenter militem in
lucta deferit, ut innatæ debilitatis admonitus, fateatur
spiritalis nequitias superno solum superari iuuamine.

Postquam cepit suffultus animus carnis prauales co-
natibus, arbitror illum tum sibi nuperrimè à se ipso dege-
neri hæc sugillando exprobrasse. Itane verò parum du-
raui charitatem, ut ab illa desciscerem in molles affectus?
Non pudebat ergo iuratæ castitatis non stare decretis?
miserum me propè fuit, ut adulationi concederem vo-
luptuariæ Sirenis, quæ auditorem suum primo complexa-
ta congressu dedit naufragio. Neque vigiliæ, oratio, in-
cendia, & id genus torciones potuerunt æmulæ meæ sæpius
correcta fræna moderari? Et hos insultus feram inultus?
Depereat caro magis, si semper rebellatrix spiritus de-
trectat imperium. Vix hæc obiecerat, dum ad vicinos ve-
pres se conuertens, carnalis iniuriæ testes illos, ac vindi-
ces inclamauit. Nudus inde se in spinarum sagittas inie-
cit præcipitem, credo, ut pudicitiae rosa non defrondare-
tur tam peruia luxuriosæ cantaridi, sed inter præfidiarios
dumos incorruptior asseruaretur. Excruciabiliter admo-
dum læsus à sentibus, illeclus restitit cupidinis iaculis, amo-
reque in dolorem degenerato, confessus est, plura spicu-
la, eademque acriora dumetum euaginasse, quam cupi-
dinis pharetram. Voluit totum dilaniare nudum corpus,
ut totum pudici cruoris decorem circumuestiret, nequè aliqua
illi particula se iactaret inuictam. Mariyrij corona so-
lum caput redimire consuevit, toti corpori Benedictus vr-
ticarum terta contexuit, ut intelligeres, nescio quid glo-
riosius esse martyrio tot vulnera, quæ morti multiplicatæ

fullicerent. In se ipsum his impietatis officijs piè ferociuit,
 asperiores quoque lanienam nouaturus, nisi malè suada
 sensuum procacitas lasciuire destitisset. Vah subdola ca-
 ro, quæ tuis stimulis agonistam nostrum compungebas;
 tunc certè mille confixa mucronibus tabescebas inglo-
 ria, & in iogo, quem alij paraueras ipsa torquebaris exu-
 sta spinarum ardoribus. O gloriola spineta, quæ læro ir-
 rorata cruore in roseas coronas effloruistis ad triumphū
 aptiora, quàm palmæ, quàm laurus? Veneræ facès ex-
 tinxistis vestris incendijs: vestri cuspides Cupidinis obtu-
 derunt acumina. Saucia stis equidem, at vero salubriter;
 & quò magis exanimastis corpus, eò reuixit vegetior ani-
 mus. Interijisset Benedictus, nisi vos inter discerptus to-
 tus occubuisset: nisi febricitantem luxuria sanguinem tot
 scætis venis depulisset, & eius vicibus purgatiores spiritus,
 qui ad vitam magis conferunt successissent. Nequè splen-
 didius vti SOL vnquam enituisset, nisi intra Ruet confla-
 grationes libidinis etiam fumus euauisset. Hic SOLI si-
 millimum vobis Benedictum ostendo, modò stabiliendæ
 fidei poeticum non refragetur inuentum. SOL (Apollo
 inquam) Pythonem serpentem horrendum, vel (vè veriùs
 dicas) è putrefacto solo vaporem, qui sursum nimbos eu-
 uomens sibi minitabatur occasum, suis radijs, quasi sagit-
 tis inflæctis transfodit, siue (si mauis) calore consumpsit.
 Minus est, quod de illo finxit Antiquitas, eò quod hic pu-
 gil illustis peregit. Non sanè imaginarium, sed indomi-
 tum verè Monstrum (carnem loquor) innumeris dilace-
 rauit aculeis. Vnde Pausanias, & Pindarus hinc Pythia cer-
 tamina honestius concelebrarent, ac gloriosiores, quàm
 ex Esculo, vel Apio Apollini meo coronas attexerent.

Succurrit modo Auditores, quod obliuis omiseram;
 quare voluptuosæ Veneris domum SOL noster non est

131
69
Ingressus? scitis quare? quia probè sciebat Solarem quoque Planetam domi Veneris suæ virtutis iacturam facere, ac luminis subire decrementum. Austeritatis porius, interruptæque pugnae cum hostibus persecutus est cursum, quousque in altiori meritorum signo conscendens luminoso sanctitatis incrementa susciperet. Non secus ac cum pugnacis Martis mansionem SOL intrat, vigoris inde plenius resumit augmentum.

Sed nunc iam sentio imminere meridiem, quippe cum defixis oculis benedictinos intentione splendores intueor; in torrida veluti Zona nimietas luminis suspectâs imburit accessus. Referunt post ereptam è cogitatâ mulieris manibus victoriam, triumphalis currus ita stitisse rotas, ut post hac in casus non sint prolapsæ periculum, sed ut in meridiano solstitio, ibi permansuras æternum. Putarem exinde diuini hunc Phœbum sanctimonie luculentius lumen effudisse, SOLIS quidem ad instar, qui defluentibus in imbres, nubium deuictis armis, profusiorum lucem ad remotiores partes victoriosus amandat. Hoc indubiè significatis in stemmate, in quo ruere cernimus ELIMINATAM, NOCTEM, contractusque ad confinia lucis VMBRAS aperire dici locum! O quot illud meridiale fulgetrum longæ desidiæ indormientes ad vitæ vigiliis exiuit! Quot accidiæ letargo pressos, vitiorumque oppletos angoribus (morbi .n. ingrauescunt nocte) pietatis calore refecit, releuauit. Imò quot interceptos iam morte viuacitati reddiderit aperire, nisi inde etiam aperirentur sepulcra in aspectus vestri fastidium. Obseruate saltem, cuius virtutis esset non solum viuificæ, sed etiam accersens, attrahentisque, cuius similem in Rege syderum demiramini Maurum. Placidumque Quirinales Dynastas à parietum vlnis auulsit adhuc impuberes; tunc

potiò cum cariori teneritatis amplexu captiuos teneret
 amor genitorum. Quis dum Benedictum Maurum inter,
 ac Placidum vidisset medium, non dixisset, Sol est in Ge-
 minis? Et quis nam dum Benedicto iubente, currenti per
 flum: na Mauro, præstari siccum inspexisset obsequium,
 non miratus exclamasset, ecce radius Solis? Cumq; Mau-
 rus ad Gallos, ad Siculos Placidum audisset delegatos,
 utrumq; utrique Regno Christi pacem prænuntiaturum,
 ecquis nõ indicasset illos, ut geminatam Iridem aduerso
 Sole virtutum mille coloribus perornatam? deficeret
 prius hæc dies, si eiusmodi vellem connumerare viros,
 quos sibi uti SOLI socios adiungens fecit catholici fir-
 mamenti lucidas sphaeras, vel (nisi repugnetis Astrono-
 mis) sui ipsius satellites, ac laterales stellas.

Dudum à Delos, & Delphis ad castrum Cassinense cul-
 tum Apollinis transfulerat cæca Religio, ibiq; putati nu-
 minis structa delubra iniquo ritu excolebantur. A Subla-
 censi iugo vidit (ecquid non videat SOL oculus Mundi?)
 odorato thure competitori suo aras halare, quibus super-
 stitionis nigrore vicinia tota fumigabatur. Non tam per
 hiemem caligantis noctis congeliantur umbræ, quàm
 ubi adoratus Apollo irradiabat, suo namq; lumine cum
 oculis cæcauerat corda litantium, & ad sui præsentiam
 dies nunquam, nox semper infidelitatis incubabat, obscu-
 riores etiam tenebras emissurus cymerijs umbris. Irriden-
 da ne hæc, an miseranda fidelitas, quæ cecutit in lumine,
 errat in Sole.

Tantam perosos impietatem eo venit ocysimè, emi-
 lique sui indignis destructis fanis, dignissimo numini tem-
 pla construxit. Videlicet, ut se veræ lucis certiozem Phœ-
 bum, clariorem SOLEM facis affereret. Neget qui po-
 test BENEDICTVM tanquam SOLEM turbido seculo

natum; dum nec Phœbus ipse disisteretur, qui tum suæ lucis diminutam gloriam indoluit; & quod Benedicti non effigies quidem, sed vix umbra esset operata facie impalluit.

Quid A. vltiora argumenta disquiritis? Addam, quod refert Eschiles, cui tota consentiens subscripsit veritas, Apollinem è Tripode dare petentibus responsa solitum, & vt diuinationis magistrum scrutatoribus reuelasse ventura; Cui etiam dicatum cynum, qui sui obitus diei præfagus præmittit suis funeribus harmonicam parentando lætitiā, ac si gratuletur sibi transactæ vitæ malorum euasisse frequentiam, vel speret felicitatis mortis se perfuturum solamine. Sed hæc incredulæ sunt credulitatis simulata mendacia, quæ præstigijs ænigmatum fidem illuserunt infidam. Phœbus noster Prophetæ veracior, qui nunquam fuit fallaciæ conuictus, nisi cum falleret spirituales hostes. Totilam aliosque rector, quibus futura cuncta diuinavit ad punctum, sui; decubitus statim horam in Cyni modum præcinerat. Vnum adhuc attendite (Domini) & ne viam nisi alium Patrem SOLIS ideam esse deieretis. Duodenas sibi suisque domos erexit; non hoc solum puto consilio, vt omnia misericordiæ opera se fecisse monstraret, quæ bis senario numero concluduntur, sed vt solem videretur imitari, qui & ipse in Ecliptica per duodecim stationes inerrans suis circulis regit Vniuersum. Quis autem nesciat ab illis ædibus vti ab arum scientiarumque omnium seminarijs provenisse viros, qui ecclesiasticum orbem gubernarunt, & sacularem? Non recensere cuicunque notissima. Nec expectis Herois mei extractos laudum acervos; non id meditabatur animus, nec munus Encomiastæ suscepi. Et Benedictus hoc quoque habet cum Sole commune, vt sicut non
inspi-

inspicit solarem globum, quin oculus obstupescat, ira istius
 affluentia laudum æque audientium aures, ac enarrantis
 mentem stupor inuaderet. Sed quid amplius similia pro-
 feram? Si SOL è terrenis visceribus puriores spiritus su-
 stollit ad æthera, vt in aere quoq; cometarum Cælum ef-
 formet, Quot terrenos affectus hominum Monarcha no-
 ster cælestes transmouit in spiritus? Quot uè beatorum
 Empyreo fixit animatas stellas? Ille dicitur dux astrorum,
 & Princeps, quia illorum quodcunq; luminis maiestate
 præcedit. Quis eat inficias, Principem Cænobitarum Be-
 nedictum, qui in occiduis hisce plagis longissimo tempo-
 rum intervallo præfulsit cæteris? A SOLE suam reliqua
 sydera lucem mutantur, Non aliunde instituti sui ratio-
 nem, ac typum, quam à Benedicinis legibus sumpserunt
 claustra'es alij. Fontem lucis vocabat Solem Heraclitus;
 Quid ni appellemus Sanctissimum Patrem inexhaustum
 fontem; à quo plurium Congregationum corriuantes ri-
 uuli fidelium campos fecundant vberime? Nominant
 pleriq; Solem cor Cœli, quod illius teneat medium. Et
 vos proportionem iustiori Benedictum Ecclesiastici corpo-
 ris Cor nuncupabitis, si recordemini ab ipso (veluti à cor-
 de spiritus) plures enatos Alumnos, qui omnia Ecclesiæ
 membra multis seculis dirèxerunt. Monarchæ titulo per-
 multi Solem honestarunt, quod vni illius regimini iniun-
 gatur cura mortalium. Perlustrate vos animo oras Ter-
 rarum omnes à nascentis Solis cunbulis, vsq; ad illud, in
 quod cadit sepulcrum, & reperietis plurimum Regnorum,
 intra sua claustra recepisse Reges, vel è Claustris Reges
 cum splendore restituisse Regnis, aut de Mundi Imperij plu-
 ricipes p. uidiisse Vicarijs.

Ad summum accedat nouus Archimedes, & per pœni-
 tiores Cœlorum sinus aberrat curiosius noua Solis voca-
 bula

bula vestigaturus. Item eadem vos tanquam sibi propria magis in numeratū habere Benedictum inuenieris.

Verum tamen fateamur N. N. & sua concedamus vtrique discrimina. BENEDICTVM, & SOLEM, vsq; huc per mutuam nominum, proprietatumque communicationem expressimus, quos tamē in his discriminatos agnoscimus. Nostræ ætatis Astronomorum oculatiores, maculis recenter inuentis, quibusdam quasi vmbrosis nevis faciem Solis deuenustatam euulgant. In Benedicto inuidia ipsa nihil notat erratum, quod probris queat incescere. Lior ipse, cui genuinum est maledictū nostrum SOLEM vocat BENEDICTVM Sol semper recidiuus non oritur, quin pergat ad casum luminisq; vices sempiterna lege variando sæpē se reperit in Eclipsi. Benedictus altum Cæli meridiem conscendit occasurus nunquam, huiusq; seculorum peracta serie eclipsandus.

Hic tandem oculos cogor deicere, quoniam penitus à vehemēti fulgore sit hebetatus obtutus. Si visus sum vobis clariore Benedicti splendores, nec vidisse, nec ostendisse videndos, defectus meos excusat Chryssippi paræmia; ea est, vt minus videatur Sol, quo magis videtur, quia verè aspicienti subripitur, & cum ipsum tibi comprehendisse videris; sentis se à possidentis comprehensione deducere. Si obscuro sermocinabar alioquo: quid mirum? in facie Solis nihil afferri potest, quod splendeat. Si Præteritum nostrum vt spirantem Solis simulacrum non pingebam: & vnde vidistis vos, vnquam in obscuritate sermonis, elucere colores eloquentiæ? Sufficiet mihi si atrore discursus adumbraverim, imitabar .n. illius stëmatis exemplum, quod sicut tenebrarum ostendit, cum LVCE consortium; ita ego splendidissimum Patrem vmbrauli narratione simulavi.

Hactē-

Hactenus ut cicada Solis excitata calore perstrepebā
 nunc quia confusionis NOX mihi mentem insulcat, &
 oculos, stridentes voculas suspendo. Mox verò canoræ
 magis huc aduolabunt lusciniæ, quæ æquè per SOLIS æ-
 stum, atq; per NOCTIS umbras, suauioris artis gratori-
 bus modulis cantabunt.

V. D. Ludouicus Modronus Poenit. pro Eminentiss. & Re-
 uerendiss. D. Card. Archiepisc.

Imprimatur. Fr. Io Vincentius de Garrexio Lect. Theol.
 Vic. S. Officij Bonon.